



Broj: 04/01-1-2674/2025
Sarajevo, 14.11.2025. godine

Na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) i člana 143. Pravila Javne ustanove Srednja škola za okoliš i drveni dizajn Sarajevo, Školski odbor Javne ustanove Srednja škola za okoliš i drveni dizajn Sarajevo na 43. sjednici održanoj dana 14.11.2025. godine *d o n o s i*

O D L U K U

Član 1.

Usvaja se Pravilnik o video-nadzoru Javne ustanove Srednja škola za okoliš i drveni dizajn Sarajevo.

Član 2.

Pravilnik o video-nadzoru Javne ustanove Srednja škola za okoliš i drveni dizajn Sarajevo je sastavni dio ove odluke.

Član 3.

Odluka stupa na snagu danom donošenja.

Predsjednik Školskog odbora

Muslić Amira

Dostaviti:

- 1.Uz tekst Pravilnika;
- 2.Uz dokumentaciju Školskog odbora;
- 3.Oglasna ploča;
- 4.a/a.

U skladu sa članom 57. Zakona o zaštiti ličnih podataka Bosne i Hercegovine („Službeni glasnik Bosne i Hercegovine“, broj: 12/25), članom 20. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), članom 11. Pravila Javne ustanove Srednja škola za okoliš i drveni dizajn Sarajevo, uz konsultacije sa Sindikalnom organizacijom Škole, Školski odbor Javne ustanove Srednja škola za okoliš i drveni dizajn Sarajevo na 43. sjednici održanoj dana 14.11.2025. godine *d o n o s i*

P R A V I L N I K
o video-nadzoru
Javne ustanove Srednja škola za okoliš i drveni dizajn Sarajevo

I OPĆE ODREDBE

Član 1.
(Predmet Pravilnika)

Pravilnikom o video-nadzoru (u daljem tekstu: Pravilnik) Javne ustanove Srednja škola za okoliš i drveni dizajn Sarajevo (u daljem tekstu: Škola) uređuju se uspostava, svrha video-nadzora, opseg podataka video-nadzora i upotreba video-nadzora u prostorijama i dvorištu Škole.

II USPOSTAVLJANJE VIDEO-NADZORA

Član 2.
(Način uspostavljanja video-nadzora)

Video-nadzor u Školi se uvodi na osnovu odluke o uspostavljanju video-nadzora koju donosi Školski odbor Škole.

III – SVRHA USPOSTAVLJANJA VIDEO-NADZORA

Član 3.
(Svrha video-nadzora)

Video-nadzor se uspostavlja zbog osiguranja sigurnosti učenika, roditelja, nastavnika i drugih radnika Škole, i posjetilaca Škole u toku nastavnog procesa i rada, sigurnosti objekta i imovine Škole u toku nastavnog procesa i rada, kao i u periodima raspusta i godišnjih odmora, noćnih sati, vikenda, neradnih dana i praznika.

Član 4.
(Dozvoljena upotreba video-nadzora)

(1) Praćenje prostorija i dvorišta Škole putem video-nadzora dopušteno je samo ako je to nužno za zaštitu lica i imovine i ako ne prevladaju interesi Škole, te istim mogu biti obuhvaćeni samo prostori Škole čiji je nadzor nužan radi postizanja zaštite lica i imovine.

(2) Dopuštena je obrada biometrijskih podataka zaposlenika u svrhu evidentiranja radnog vremena radi ulaska i izlaska iz službenih prostorija, u skladu sa odredbama Zakona o radu FBiH ili ako se takva obrada provodi kao alternativa drugom rješenju za evidentiranje radnog vremena ili ulaska i izlaska iz službenih prostorija, uz uslov da je zaposlenik dao izričitu saglasnost za takvu obradu biometrijskih podataka u skladu s odredbama Zakona o zaštiti ličnih podataka BiH.

IV OPSEG PODATAKA VIDEO-NADZORA

Član 5.
(Obuhvat video-nadzora)

Video-nadzor Škole obuhvata:

- Unutrašnje kamere, koje pokrivaju hodnike Škole,
- Vanjske kamere, koje pokrivaju ulaz u Školu i dvorište Škole,
- Uređaj za pohranu video-zapisa koji arhivira video-zapise na period od 7 dana, nakon čega se isti automatski brišu.

Član 6. (Obavijest)

Na ulazu u Školu može biti postavljena obavijest sa naznačenim tekstom „PAŽNJA! OBJEKAT POD VIDEO-NADZOROM“, ili može biti postavljena naljepnica agencije angažovane za uspostavu video-nadzora u Školi, sa naznačenim telefonskim brojem putem kojih se mogu dobiti opće informacije o video-nadzoru.

V UPOTREBA PODATAKA

Član 7. (Kontrolor podataka)

- (1) Kontrolor podataka video-nadzora je direktor Škole, kao ovlašteno lice Škole.
- (2) Direktor Škole kao kontrolor podataka ima pristup nadzoru u realnom vremenu i arhivi video-nadzora, te može pristupiti i obrađivati podatke video-nadzora u skladu sa članom 75., 75a. i 75b. Zakona o zaštiti ličnih podataka BiH.
- (3) Podacima iz stava (2) ovog člana kontrolor podataka, odnosno direktor Škole, može pristupiti i putem veze sa druge lokacije ili mobilnog uređaja.
- (4) Direktor Škole može ustupiti pristup video-nadzoru drugom licu u svojstvu kontrolora, kada direktor nije prisutan u Školi.

Član 8. (Praćenje video-nadzora)

Administrativni centar video-nadzora se nalazi u kancelariji direktora Škole.

Član 9. (Pristup podacima od strane drugih organa)

Video-nadzoru mogu pristupiti ovlaštene policijske agencije i ministarstva unutrašnjih poslova u BiH, uz predočenje validnog naloga.

VI ZAŠTITA LIČNIH PODATAKA

Član 9. (Zaštita ličnih podataka)

- (1) Video-nadzorom mogu biti obuhvaćeni samo prostori ili dijelovi prostora čiji je nadzor nužan radi zaštite lica i imovine.
- (2) Direktor Škole, kao kontrolor podataka koji obavlja video-nadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka.
- (3) Direktor Škole niti bilo koja druga osoba ne smije koristiti podatke o osobama prikupljene putem video-nadzora izvan njihove zakonske namjene.

VII PRIJELAZNE I ZAVRŠNE ODREDBE

Član 10. (Primjena propisa)

Na sve što nije regulisano ovim Pravilnikom primjenit će se odredbe Zakona o zaštiti ličnih podataka BiH i Zakona o radu FBiH, u dijelu koji se odnosi na postupanje sa ličnim podacima radnika.

Član 11. (Tumačenje odredbi)

Tumačenje odredbi ovog Pravilnika daje Školski odbor Škole.

Član 12.
(Izmjene i dopune)

Izmjene i dopune ovog Pravilnika donosi Školski odbor Škole uz konsultacije sa Sindikalnom organizacijom Škole.

Član 13.
(Stupanje na snagu)

Ovaj Pravilnik stupa na snagu danom donošenja i objavljivanja na oglasnoj ploči Škole.

Predsjednik Školskog odbora

Muslić Amira

Broj: 04/01-1-2674/2025
Sarajevo, 14.11.2025. godine